

Denyul langa det hol weya ola laiyan oldei jidan

Estimate

Denyul Tjepta 6

Wekinmen 1, 2 en 3

Det men hubin dalimbat stori:

King Daraiyas

Denyul

Pat 1

Det men hubin dalimbat stori: ¹Wal det King Daraiyas bin pudum 120 haibala wekinmen langa ebri kantri blanga im. ²En imbin pikimat Denyul en dubala men blanga jidan bos langa detlot haibala wekinmen, en blanga lukaftumbat ebrijing blanga det king.

King: *(Det King bin jidan la I'm speshalwan tjeya en imin tok, preya bla detlot gabman mob.)*

Wekinmen: (proud looking, flattering the king with superficial talks)

Wekinmen 1: Aibin bringim purdiwan klos brom Ijip bla yu waif mob, bla meigim yu gudbinji.

Wekinmen 2: Aibin lukaftumbat bla yu kantri brabli gudwei, bat ai wandim mowa solja blanga stapam det enamimob.

Wekinmen 3: Haibalawan King. Aibin bringimap brabli gudwan songmen blanga meigim yu gudbinji.

Denyul: (Jandap brabli gudwei garram det king, det king askim im detlot gabman bos bla olabut olrait.

King: Denyul, Wanim yu reken? Main kantri im kipgon jidan gudbalawei?

Denyul: Main king! Ebrijing jidan brabli gudbala.

Pat 2

Det men hubin dalimbat stori: ³Wal Denyul bin dum brabli gudwan wek mowa beda langa ol detlot najalot haibala wekinmen. Dumaji imbin brabli gudwan wekinmen, det king bin jinggabat blanga pudum Denyul bos langa ebrijing.

⁴Wal det naja dubala wekinmen en detlot haibala wekinmen bin trai faindim nogudbala ting blanga ol detlot ting weya Denyul bin dumbat langa detlot kantri. Bat dei nomo bin faindim enijing rong, dumaji Denyul bin gudwan en im nomo bin dum enijing nogudwan en im nomo bin dalimbat laiya wed.

Wekinmen 1: Wotfo det king bin pikimat Denyul blanga jidan haibala wekinmen?

Wekinmen 2: Wi kaan faindim eni nogudbala ting blanga Denyul weya wi gin dalim det king.

Wekinmen 3: “Wi garra faindimwei blanga meigim Denyul breigim det lowa blanga det king, dumaji im olweis kipum det lowa blanga im God.”

Pat 3

Wekinmen 1: “King Daraiyas, yu brabli haibala bos. Melabat wandim yu garra jidan olagijawan! ⁷Melabat en ola najalot wekinmen hu oldei wek blanga yu bin reken yu na garra gibit brabli strongbala wed weya ebribodi garra kipum. Yu meigim strongbala oda blanga 30 dei nobodi gin askim enijing brom eni drimin, bat oni brom yu na. If enibodi kaan teiknodis langa dijan wed, dei garra tjakam im langa det hol weya ola laiyan oldei jidanbat. ⁸Wal yu King Daraiyas yu meigim dijan lowa en yu garra pudum yu mak langa det peipa en im garra jidan lagijat na det lowa blanga dijan kantri en olabat kaan tjeinjim.”

Wekinmen 2: Haibala Bos wi weship la yu!

Holot gabman bos mela holot weship la yu.

Det men hubin dalimbat stori: Wal det King Daraiyas bin meigim det strongbala oda en imbin pudum im mak langa det peipa.

Pat 4

Narrator: *Wal Denyul bin sabi olredi na, wen det King bin meigim det pramis bla imself, en Denyul bin go en jidan insaid en prei langa God.*

(Wen Denyul bin jidanbat en preiprei, detlot boswan gabman mob bin luk im en deibin go en dalim det King).

Det men hubin dalimbat stori: Wal wen Denyul bin lisin det strongbala oda, imbin gobek langa im kemp en imbin opinim im windo en prei langa God.

Denyul: *Dedi God... yu brabli haibalawan God... (kipgon preiprei)*

Det men hubin dalimbat stori: ¹¹Wal detlot enamimob blanga Denyul bin meigim plen, en deibin go en faindim Denyul bin preipreibat langa God.

Pat 5

Det men hubin dalimbat stori: ¹²Holot bin go na langa det king en dalim im wanim Denyul bin dumbat.

King: *jidan la speshalwan tjeya .*

Wekinmen 1: “Haibala bos, melabat wandim yu garra jidan olagijawan. Yubin gibit strongbala oda weya ebribodi garra dum. Yubin gibit strongbala oda blanga 30 dei nobodi gin askim enijing brom eni drimin en nobodi gin askim enijing brom eni men, bat oni brom yu na. En if enibodi kaan teiknodis langa dijan wed dei garra tjakam im langa det hol weya ola laiyan oldei jidanbat. Wal im trubala, indit?”

Gabman bos ; mela tok yowai en tok emrite garram gabman bos 1.

King Daraiyas: “Yuwai, tharran na det strongbala oda en nobodi kaan tjeinjim.”

Wekinmen 2: “Haibala bos, yu sabi Denyul det men brom Juda, indit? Wal im nomo rispek langa yu, bos, en im nomo duwit langa det strongbala oda blanga yu. Imbin preipreibat langa im God 3 taim ebridei.”

Wekinmen: *Yuwai haibalawan bos, tharran trubala.*

Det men hubin dalimbat stori: Wal wen det king bin lisin tharran imbin brabli nogudbinji dumaji imbin laigim Denyul detmatj en im nomo bin wandim pudum im langa det pleis weya ola

laiyan oldei jidan, en imbin trai blanga faindim wei blanga album im. Imbin kipgon trai raidap sangodantaim.

Pat 6

Det men hubin dalimbat stori: Brom deya det king bin gibit oda langa sambala wekinmen blanga gedim Denyul en tjakam im langa det hol langa graun weya bigmob laiyan oldei jidan.

(King bin tok langa Denyul na)

King Daraiyas: “Wal ai askim det God blanga yu weya yu oldei bilib en wek blanga im brabliwei, blanga album yu.”

Det men hubin dalimbat stori: Brom deya olabat bin tjakam im en bin jadimap det hol langa graun, en det king bin pudum im mak langa det ston garram det bush gam. Imbin yusum im ring brom im bingga garram im neim. En detlot boswan pipul bin pudum olabat mak langa det ston garram det bush gam wulijim olabat garra luk det mak en sabi if enibodi bin album Denyul.

¹Wal det king bin gobek langa im bigwan haus en im nomo bin silip, en im nomo bin idimbat daga, en im nomo bin wandim enibodi blanga densdensbat en singsingbat blanga meigim im hepi. ¹⁹Wal ailibala neksdei det king bin gidap en imbin go kwikbala langa det hol weya Denyul bin jidan garram detlot laiyan.

King Daraiyas : (jingat adbala) “Denyul, Denyul, yu det wekinmen blanga det laibalawan God! Det God yu oldei weshipbat, imbin seibum yu brom detlot laiyan?”

Denyul: “Haibala bos, ai wandim yu garra jidan olagijawan. ²²God na bin jandim im einjul blanga meigim detlot laiyan jidan kwaitwan wulijim olabat kaan ardim mi. Imbin dum dijan dumaji imbin sabi ai nomo bin dum enijing rong, langa yu, haibala bos.”

Det men hubin dalimbat stori: Wal det king bin brabli gudbinji.

King Daraiyas: Yumob wekinmen pulumap Denyul brom det hol weya detlot laiyan jidan.

Det men hubin dalimbat stori: Wal olabat bin pulumap Denyul na, en olabat bin luk detlot laiyan nomo bin ardim im, najing, dumaji imbin trastimbat langa God.

(King bin grebum langa Denyul)

King Daraiyas: Ai gibit theingks la det laibalawan God bla Denyul. Eribodi garra weship langa det laibalawan God na.

Detlot wekinmen bin trikim mi wen deibin tok nogudwei blanga Denyul! Gedim olabat en tjakam olabat insaid langa det hol weya detlot laiyan jidan.

(Streidawei detlot laiyan bin jamp en gedim olabat en bin idimbat olabat holot).

Det men hubin dalimbat stori: Afta na King Daraiyas bin raidimdan leda langa ola pipul brom ebri kantri, traib en langgus.

King Daraiyas: “Gudei yumob. Ai wandim yumob blanga jidan gudbinji. ²⁶Ai dalim yumob, ebribodi langa ola kantri weya ai jidan bos garra rispek brabliwei det God blanga Denyul.

“Im na det laibalawan God,

en im jidan bos olagijawan.

Nobodi kaan bidim im,

en im pawa kaan neba binij.

²⁷“Im seibum en album ola pipul.

Im dum klebabala ting langa top en langa dijan graun,

en ebribodi bin teiknodis.

Imbin seibum Denyul brom detlot laiyan.”

Det men hubin dalimbat stori: Lagijat na King Daraiyas bin tok langa det leda.

²⁸Wal Denyul bin jidan haibala boswan langa det taim na.

Binij na.